

Vajtswv Yog Leejtwg

Vajtswv yog tus tsim ibpuas tsavyam thiab tsim tibneeg. Vajluskub qhia rau peb hais tias Vajtswv yeej ib txwm muaj nyob. Nws yog lub hauvpaus thiab lub ntsi. Nws yog tus muaj hwjchim, fvwxyeej thiab paub txhua tsavyam. Nws nyob mus tag li. Nws yog txoj kev hlub thiab yog qhov zoo. Nws tseem yog tus kav lub ntuj lub ntiajteb tagnrho. Nws yog tus pub rau txhuayam uas muaj sia nyob. Nws yog txhua haiv tibneeg Leejtxiv. Vajtswv nrog peb nyob los ntawm peb txoj kev ntseeg Nws Leejtub Yexus, los ntawm Vajntsujplig Dawbhuv, los ntawm Nws Txojlus thiab ntawm Nws cov dejnum Dawbhuv (Txoj kevcai ntxuav thiab nws Roojmov).

Puas Muaj Ntuj Ceebtsheej thiab Ntujtawg?

Vajluskub qhia rau peb haistias yeej muaj Ntuj Ceebtsheej thiab Ntujtawg (Dabteb). Ntuj Ceebtsheej yog qhov chaw uas Vajtswv nyob. Ntuj Ceebtsheej yog qhov chaw zoo kawg nkaus uas tsis muaj mob tsis muaj nkeeg, tsis muaj tuag thiab tsis muaj yuav ncaim ntawm Vajtswv li. Nyob hauv Ntuj Ceebtsheej tsis muaj kev txhaum thiab kev phem. Ntuj Ceebtsheej yog qhov chaw rau tagnrho cov ntseeg Yexus yuav mus nyob ibtxhis thiab ibtxhis li. (*1 Kauleethaus 15:42-44, Tshwmsim 7:14; 18:12; 21:4*)

Ntujtawg yog qhov chaw uas Vajtswv tsim

rau dabntxwvnyoog thiab nws cov timschwv. Vajluskub qhia rau peb haistias Ntujtawg yog qhov chaw uas muaj kev tsimtxom thiab txomnyem heev. Cov tibneeg uas tsis ntseeg Yexus Khetos ua lawv tus cawmseej yuav raug mus rau Ntujtawg thaum lawv tuag. Ntujtawg yog qhov chaw uas Vajtswv tsis xav kom tibneeg ntiajteb mus nyob vim yog qhov chaw no yog qhov uas phem heev. (*Mathais 7:13, 8:29; 18:8; 25:41, 46, Lukas 16:23-24, Yauhas 5:24; 8:51, Henplais 6:1-2, 2 Petus 2:9; 3:7, Yuj 1:7, Tshwmsim 2:11; 19:20:6, 10, 14-15; 21:8, 14:19, Nkauj Qhuas Vajtswv 92:7, Loos 6:21, 23; 9:22, 2 Kauleethaus 7:10, Filipis 3:18-19 2 Thexalaunikes 1:9, Yakanpaus 1:15*)

Kev Ntseeg Yexus Khetos Yog Dabtsi?

Kev ntseeg Yexus Khetos yog txoj kev ntseeg thiab qhia haistias Yexus Khetos yog ntiajteb tus Cawmseej. Yexus yog Vajtswv Leejtub. Nws yog tus tseem tibneeg thiab tseem Vajtswv. Nws los hauv ntiajteb no yog los cawm tibneeg dim ntawm tibneeg tej kev txhaum thiab coj tibneeg rov mus nrog Vajtswv sibraug zoo. Kev ntseeg Yexus Khetos qhia haistias ob txhiab xyoo dhau los lawm Yexus Khetos tau los tuag saum ntoo khaublig txhiv txhuatus tibneeg tej kev txhaum lawm. Nws tau kovyeej txoj kev txhaum, kev tuag thiab dabntxwvnyoog rau txhuatus. Yog leejtwg ntseeg Nws tus ntawd tau txoj sia nyob ntev mus tas ibtxhis li.

Yog Vim Licas Kuv Thiaj Yuav Tsum Ntseeg Cov Ntseeg Yexus Khetos tus Vajtswv?

Txhuatus tibneeg hauv ntiajteb no yuav tsum ntseeg cov ntseeg Yexus Khetos tus Vajtswv vim haistias Phau Vajluskub qhia rau peb haistias tsuas yog dhau los ntawm Vajtswv Leejtub, Yexus Khetos xwb peb thiaj li yuav dim peb tej kev txhaum thiab dim txojkev tuag mus tag ibtxhis. Vajtswv hlub tibneeg ntiajteb kawg li Nws thiaj li txhib Nws tibleeg Tub los ua ntiajteb tus Cawmseej. Vajtswv tsis xav kom ibtug tibneeg twg poob mus rau hauv Ntujtawg. Nws xav kom txhua leej tibneeg tau txais kev cawm dim thiab los txais Nws txoj koobhmoov uas tau txoj sia nyob ntev mus tag ibtxhis.

Yog Vim Licas Kuv Thiaj Li Yuav Nkim Kuv Lub Sijhawm Mus Hawm Vajtswv?

Kev mus hawm Vajtswv tsis yog nkim sijhawm. Vajtswv cov tibneeg yeej nyiam hawm lawv tus Cawmseej. Koj mus hawm Vajtswv yog mus mloog Vajtswv lus thiab hawm Vajtswv lub npe. Mus hawm Vajtswv yog peb mus nrog Vajtswv nyob ua ke. Vajluskub qhia rau peb haistias Vajtswv tsim lub ntiajteb no rau hnuv, thiab Nws tau so rau hnuv xya. Nws hais kom peb ua haujlwm rau hnuv thiab so hnuv xya mus hawm Nws thiab mus mloog Nws cov lus qhia txog txojkev hlub thiab txojkev cawm peb dhau los ntawm Nws tus Tub Yexus Khetos. Vim Vajtswv yog

tus Vajtswv uas muaj kev hlub, peb txojkev hawm Vajtswv yog peb txojkev hlub rau ntawm Nws. Yog li ntawd kev mus hawm Vajtswv yog txojkev zoo siab thiab txaussiab los ntawm peb lub siab rau Vajtswv.

Kuv Yuav Ua Li Cas Kuv Thiaj Li Tau Txais Txojhia Mus Ibtxhis?

Yexus haistias, “*Rau qhov Vajtswv hlub tibneeg Ntiajteb kawg li, nws thiaj li txib nws tibleeg tub los rau hauv ntiajteb. Tus uas ntseeg nws Leejtub, tus ntawd yuav tsi tuag, tiamsis nws yuav tau txojhia ntev dhawv mus ib txhis.*” (Yauhas 3:16)

The Lutheran Church Missouri Synod Yog dabtsi (LCMS)?

Pawngtseeg Lutheran Church-Missouri Synod (LCMS) yog taug kev uake thiab kev koom ua Vajtswv tes dejnum los ntawm cov Lutheran Churches uas ntseeg tibug Vajtswv thiab lees cov kev ntseeg uas zoo ibyam, txais yuav tias phau Vajluskub Qub thiab Vajluskub Tshiab yog Vajtswv Txojlus tiag, thiab txais yuav tagnrho cov ntawv hauv phau ntawv the Book of Concord tias txhais yog raws li Vajtswv Txojlus. Lub hauvpaus loj rau LCMS yog nyob hauv St. Louis, MO. LCMS muaj 2,500,000 tus tswvcuab nyob rau Asmesliskas Qaumteb thiab muab cais ua 35 lub qhochaws ua haujlwm, (Districts). Yog xav paub ntxiv thov saib tau hauv peb daim website:
www.lcms.org or www.hmonglcms.com

LCMS St. Michael thiab Our Savior Lutheran Hmoob Pawngtseeg Tswvcuab

Tamsi no nyob rau St. Michael’s & Our Savior Lutheran Hmoob Pawngtseeg yog muaj 40 yim tswvcuab muaj li 180 leej. Peb muaj ntau xeeb kwvtij los koom ua tswvcuab uake. Kxf. Dr. Numlaajtsheb Yaaj yog peb tus Xibhwb thiab yog tus saib xyuas Hmoob Pawngtseeg. Peb Pawngtseeg muaj kev koomtes rau St. Michael’s nyob Richville, MI, thiab Our Savior Lutheran Church nyob Lansing, MI, thiab Michigan District, thiab hauv paus loj The Lutheran Church Missouri Synod.

Homphiaj

Vim peb tau Vajtswv txojkev zamtxim, koobhmoov, thiab tau txais Nws Txojlus thiab cov dejnum uas Dawbhuv; peb yuav qhia Nws txojkev hlub, kev zamtxim, thiab txoj koobhmoov rau peb tsoom Hmoob thiab rau txhua haiv tibneeg.

Dejnum

Mus qhia Vajtswv Txojlus rau tsoom Hmoob uas nyob rau State of Michigan dhau los ntawm tej ntaubntawv thiab mus xyuas lawv. Peb muaj ntawv qhia txog LCMS kev ntseeg Vajtswv thiab Hmoob yuavtsum los ntseeg Yexus. Peb kuj pab mus tshaj Txojmoozoo rau cov Hmoob nyob tebchaws Axias. Peb muaj kawm Vajluskub, kawm ntawv Hmoob thiab kawm Nkauj rau txhua hnuso hawm Vajtswv.



**The Lutheran Church -
Missouri Synod**

St. Michael’s Lutheran Church Hmong Ministry

3455 S. Vanburen Rd.
Richville, Michigan 48758
www.stmichaelsrichville.com

(2nd and 4th Saturday of each month)
8:00-9:00 a.m. Kawm Vajtswv Txojlus
9:00-10:00 a.m. Hawm Vajtswv

Our Savior Lutheran Church Hmong Ministry

7910 E. St. Joe Hwy.
Lansing, Michigan 48917
www.oursaviorchurch.org

Sunday Hmong Service

9:15 -10:15a.m. Kawm Vajtswv Txojlus
10:45 a.m. -11:45 a.m. Hawm Vajtswv
6:00 p.m. - 7:00 p.m. Kawm Vajluskub
(Monday)

Kxf. Dr. Numlaajtsheb Yaaj tus xovtooj tom St. Michae’sl (989) 868-4791 ext. 204 losyog Our Savior (517) 882-8665 ext. 104 e-mail numlaaj@yahoo.com